

مجموعه سنون

از

جمعیت علمیه عثمانیه

ایکینجی پنه

محررم

نومرو ۱۳

استانبول

جمعیت علمیه عثمانیه مطبعه سنده طبع اولنشد

۱۲۸۰

۱۶۶۸ سنه سنده استقہولمده (۱) بر بانقہ کشاد اولوب ابتدا تحویلات متداولہ استعمال ایدن بانقہ بودر. اسکی بانقہ لردن زمانن بانقہ لرینه الك زیادہ مشابہ اولان مذکور بانقہ اولوب املاك وعقارات مثلاً اموال غیر منقولہ بی دخی استغلال ایله اچقہ اقراض ایتمك اصول متخذہ سی ایجابندن اولغله از وقتندہ بر چوق اراضی و املاك بانقہ نك یدتصرفنه کچدیکنندن بو حال مدت مدیدہ دوام ایدر ایسه مملکتك کافی اموال غیر منقولہ سی بانقہ یه انتقال ایدہ جکی مطالعہ اولنہرق شو مخدورك دفعی ایچون بانقہ یه مدیون اولان اشخاصك فائض سنو یدن بشقہ هر سنہ رأس الماله محسو بأدخی یوزده بش اعطا ایله تسویہ دیون ایملرینه قرار ویریلوب مخدور ملحوظ بر طرف ایدلمشدر .

(قدری)

(بقید سی صکره)

(مساكنك صحیحہ اولان تأثیراتی)

نوع بنی ادم خلقتدن صکره هوانك ابقاع ایدہ بیله جکی تأثیراندن ککندولرینی وقایه ایچون هرور ازمنه ایله و یا خود کندو دست اهتماملر یله اویولمش جسم اغاجلر قوغوقلرینی و مغاره دلیکلرینی مسکن انتخاب ایدرلر ایدی. قرنا بعد قرن قدمهادہ مسلك مدنیت اولدقجه بو مضیق مسكنلرك ککندولره کافی اوله مد یغنی

(۱) اسوج دولتی پایتختیدر .

درك ايدرك واسع ومنتظم مساكن تداركند سعی و غیرت ایلدیلر
 الی یومنا هذا اقالیم حاره ده بعض اهالی بر منوال محرر اغاج
 قوغوقلرنده و قبائل عرب دوه یا خود یکی تویندن معمول
 چادرلر ائنده اوتوررلر . قبائل تاتاردخی سکود اغاجندن
 معمول و اوزری قالین کیمجه ایله مستورقلوبه لر انشا ایدوب
 دومان چیققی ایچون اوزرنده بر مقدار محلی اچیق براغورلر
 و بونلری اوکوزله تحمیللا استدکلری محله نقل ایدرلر . امریقا
 قبائل و حسیه سی و افریقا زنجیاری دخی صور مختلفه ده
 قلوبه لر یا پوب بو صورته جمعیتری بر شهر هیئته کیررک
 جوانب اربعه سی قازقلرایله محدود در .

اسکی مصر اولر خانه لری اتصائنده اعلا باغچه لر انشا ایدرک
 خانه لرینه لازم اولان میوه و سبزه یی بونلردن استحصال
 ایدرلر ایدی . اسکی روما و یونانلور خانه لری نیک تنظیم و تزیینه
 زیاده اعتنا ایدوب الیوم معروف و مستعمل اولان ابدیه انلرک
 اخترا عکرده سی اولدیغی منقولدر .

مسکن انشا اولنان محللارک وجودجه اولان تأثیراتی بمشینه
 کلنجیه اوللا زیرزمینه حفر اولمش محللارده ساکن اولق
 مضرات عدیده یی موجبدر شویله که او مثللو یرلرده دائماً
 رطوبت اولوب هوانک تجدد ایده مامسی و اشغال اولنان موملردن
 حصوله کلان غازک طبشارویه چیققه مامسی اکثریا صره جه و ورم
 و سقط القمح علتلری ایراث ایلدیکی طبأ ثابتدر اکرچه
 و یانه ده او مثللو بودر و ملرده پک چوق نفوس ساکن اولدقلری حالده

تأثيرات و خيمه سى كورلر ايسده بو كيفيت شهر مذکور
موقع و هوا سنى فوق العاده لطيف اولسندن ناشيدر .
ثانيا زياده مرتفع و بتاق اوليان صحرا و اوهرده مكان اتخاينك
وجودجه فائده عظيمه سى دركار در . ثالثا دائما روزگار
اكسك اوليان جبال مرتفعه اوزرنده تمكّن موافق صحت ايسده
زياده يوكسك اولان طاغ تپه لرى مضر در . چونكه تضيق
و اعتدال هوائك تنافسى و روزگارك شدتله هيو بى امراض
من منه كبدى انتاج ايدر . حتى غايت مرتفع اولان سن برنار نام طاغك
ذروه سنده كائن عمارتده اقامت ايدنلر يك سهولتله جكر ششكلى
علته اوغرايوب تلف اولورل . جبال منسلله بيننده واقع
دره دره هوا لايقيله جريان ايده مديكندن رطوبت زائل اوله ميوب
بوندن دخی بعض خسته لقلر تولد ايدر .

رابعا مسكن اتخا اولنه جق زمينك اول امرده طبيعى بلمك لازمدر
شويله كدزمين رطوبتنك مسكنجه زياده تأثيراتى اولوب على الخصوص
سقى زمين ايله مساوى اولان خانه لده و قبرستان مثلاو دائما غاز
حصوله كتورن محالدره مسكن اتخانى مضرات عظيمه يى داعى اولور
واشته بوسبيله مبنى جميع ممالكده قبرستانلر شهر خارجنده
اتخا اولور . خامسا صحرا ده واقع بيوت و منازلك موسم سنده
جنوب طرفى و موسم صيفده شمال شرقى طرفى موافق صحتدر .
ياز و قش ايچون اير و خانه تداركى عسرت و كلفتى موجب اولور سه
برخانه نك بر طرفى جنوب و ديكر طرفى شرقى شماليه قارشو ياييله رق
موسمه كوره تبديل اولمليدر . بولند بغير اقاليم معتدله نك غرب طرفدن

فنا روزگار را سدید کنند جهت مذکوره دن احتراز اولفق اقتضای دوب
 باخصوص تیاترو ویوک غازینو مثلاً مجمع ناس اولان محالار غریبه ناظر
 اولدیغی حالدهوا الهاماسی و دروننده بولنان اشخاصک تنفسندن
 حصوله کلان حامض فحیمینک تراکم ایلمسی جهتله زیاده مضردر
 ساد ساء اورمان و اشجاره قریب محالرده اقامت علی العموم وجودجه
 موجب صحت ایسهده زیاده قریبند رطوبت و هوا تنسم اولنه جنی
 جهتله مضرات عدیده سی بحر بدر اورمان دروننده کائن قلوبه لده
 اقامت ایدن اوجیلرک و اورمان بکیچیلرینک کند و لرنده
 و فامیلارنده بعضاً خصوصی خسته لقلر ظهور ایدر بودخی
 اورمانلرده اغاچلرک داللرندن ضیای شمس یکجه میوب هوا سی
 ایصینه مدیغی جهتله دائمی صورتده رطوبت و قالمسندن ناشیدر
 یوک شهرلرده جاده یوللرک ایکی طرفه غرس اولنان منتظم اغاچلرک
 بوکامقابس اوله مدیغی واضحاندندر .

سابعاً ایرمق وچای قریبند اقامت وجود جه پک فائده لی اولوب
 حتی اکثر یوک شهرلرک صوکنارنده وقوعی بونجی به یه مبنیدر
 نامتاپک یقین اولیه رق ساحل بحر ده تمکن ضرر سزدر فقط پک یقین
 اولور سه رطوبتدن خالی اوله مز و صو اوزرنده بولنان ابنیه نک
 صویک شدت جریانی تقدیرنده رطوبت ده از زیاده اوله جفنندن
 ضرری درکاردر . تاسعاً بتاق وکول وراکد صولر قریبند اقامتک
 مضرتی پک زیاده در . بو مثلاً محالرده اقامت مجبوریت تحشده اولور
 ایسه خانه لرایله بتاغک اراسته اغاچلر غرس اولنسی دفع مضرته مدار
 اولدیغی تجر به اولنمشدر .

فابریقدردن حاصل اولان دومان هوایی افساد و بوجمله صحت
انسانیه بی اخلال ایتدیکنندن ممالک متمدنه ده اکثریا فابریقدر شهردن
خارج محالرده بنا اولنور .

(بکر صدقی)

(بقیه سی صکره)

از شاگردان مکتب طیبه شاهانه

(تاریخ حکمای یونان)

حکمای یونانک علو قدر و شانلری مستغنی اتیان برهان اولوب
کندولری صحیفه هسنیدن نابود اولدی ایکی بیک شوقدر سینه
مروارینش اولدیغی حالده حکمت و آدابجه وضع ایتدکلری اصول
مسلم اولی الابصار و آثار فضائلدئارلری چار اقطار جهانده نقش
کتابه اشتهار در . علی العموم تواریخ اسلافه کسب اطلاع
باعث بصیرت و انبیا اولدیغی حالده بو مثالو ذوات حکمت ایاک صورت
احوال و افکار لرینی بیلیمک نه درجه فوائدی مستلزم اوله جغی
محتاج ایضاح دکلددر . خفی اولدیغی و جمله اشبو حکمای یونان
علمای اسلام بیننده دخی مظهر کمال اعتبار و احترام اولوب
خلفای بنی عباس زماننده اکثر مؤلفاتلری دخی عربی یه نقل و ترجمه
قلتمشدر .

اگرچه تحقیقات اخیره یه کوره حکمای یونانک بعض ذهابلرینک
بطلانی تبین ایتدیکی مثالو بعضیلری دخی بدیهیاتدن کی